



Chhiò-khoe

Ke-chhùi Tàu Ah-chhùi

Ńg Khèng-gôan

A-Tiong peh kap A-Tiong m̄ sī chit tui tiong-hō iū-koh láu-sit ê chò-sit lāng. Ang-á-bó n̄ng lāng sui-jiân bô siū sím-mih kàu-iók, m̄-kú khiok chai-pôe chhut chit ê chiáⁿ ū sêng-chiū ê hâu-seⁿ, i sī tī Bí-kok chit keng chin chhut-miá ê kong-si teh chiáh thâu-lō, sng--khí--lâi ká-ná chin hó-kòe ê khoán-sit.

Ū chit nī ê jòah-thiⁿ, A-Tiong peh chiap tiòh in kiáⁿ tui Bí-kok kiá--lâi ê phoe, kóng beh kiò in n̄ng ê lāu..ê khi Bí-kok thit-thò, sūn-sòa tòi--chit--chām--ah. N̄ng ê lāu..ê chham-siông ê kiát-kó, chiū koat-tēng beh khi--lah. In-ūi tui in ê cha-pō sun saⁿ tang chēng tī Bí-kok chhut-si í-lâi, iáu-koh m̄ bat kīⁿ-kòe i chit bīn, mā m̄ chai seⁿ-chò íⁿ, á-sī píⁿ.

A-Tiong peh kap A-Tiong m̄ n̄ng lāng lóng ū chá khí--lâi ê sip-kòan. Chái-khí-si thiⁿ iáu bōe kng, n̄ng ê lāu..ê chiū sio-chio khi hái-piⁿ-á sán-pō, tī lō-tò tióng sòa tú tiòh chit ê jiát-chēng ê a-tok-á tui-bīn kiáⁿ--kòe--lâi. Chú-tōng giáh chhiú ká in sio-chioh-m̄ng kóng, “Gú bô ni.” A-Tiong peh thiaⁿ bô ì-sù chiū sòa-chhùi ká i in kóng, “Góa A-Tiong.” Chhin-chhiūⁿ chit khoán chēng-hēng sio lián-sòa tãi-khài ū chit lé-pài kú. Ū chit àm,

tng chōan ke chò-hóe teh chiáh àm-tng ê sí, A-Tiong peh tòng bōe tiâu chiū khui-chhùi m̄ng i ê hâu-seⁿ kóng, “Gú bô ni” tàu-té sī sím-mih ì-sù? In hâu-seⁿ bûn-bûn-á chhiò i kóng, “He tō-sī gâu-chá ê ì-sù--lah.” A-Tiong peh tìm-thâu sè-siaⁿ hōe-èng kóng, “Hò!” án-ni--oh,” sim-lâi ū sò ê khoán.

Keh-tng chá-khí A-Tiong peh kap A-tiong m̄ ték-piát koh kah chá khí--lâi, lâi kàu tī pēng-siông-si kap A-Tok-á sio tú-bīn ê só-chāi thēng-hāu, tng A-Tok-á kīaⁿ kīn-óa--lâi ê sí, chiū kóaⁿ-kín seng kiáh chhiú chhut tōa-siaⁿ kiò kóng, “Gú bô ni.” Chit hōe ōaⁿ A-Tok-á chū-jiân teh in i kóng, “Góa A-Tiong.” Náu-kin chit sí tng bōe--kòe--lâi ê A-Tiong peh, sim-lâi teh siūⁿ, “ngh, ngh, ná ē án-ni? Chin kī-kòai--oh?”



Góa Beh Niá Bān-it

Lián Lē-hōa

Chèng-hú ūi-tiòh beh pò-thiap lóng-bīn ê sēng-oáh. Ū sit-si chin-chōe ê chēng-chhek. Ū chit kang, lóng-hōe ê hòng-sàng-ki teh kóng-pò kóng, “Nā thēng-keng (休耕) ê lóng-tē, ē-tit-thang niá gō-chheng. Nā ū phùn-bū-khì..ê, tiòh ē-sái niá lāk chheng. Ài tòi in-á kap sin-hūn chēng kàu lóng-hōe pān-sū chhù lâi niá.”

Hit ē-pơ, khòaⁿ ũ chit ê lâu a-pô chhiú thèh tiòh ìn-á kap sin-hūn chêng beh lâi niá chîⁿ. Pān-sū-oân kám-kak chin kî-kòai, chiū mng i kóng, “A-pô..á, lí kiám koh ũ teh chòe sit?” I ìn kóng, “Bô..ah! M̄-kú góa í-keng lāk-cháp gōa hòe, lóng thêng-keng (停經)--ah, iū-koh ták àm lóng khùn bōe khi, só-í góa lóng chóng beh lâi niá bān-it!”

Suh-khùi kap Sù-kùi

Liân Lē-hōa



I-seng kā chit ê lâu hū-jîn-lâng kiám-cha liáu, chiū thè i an-pâi beh chòe tiān-kong ê liap-iaⁿ kiám-cha. Tī kiám-cha sek ê sī, i-seng kā chit ê hū-jîn-lâng kóng, “A-Sáng! Tán--chit--ē, góa nā kóng suh-khùi ê sī, lí tiòh tòe góa kóng suh-khùi, sūn-sòa suh chit-chhùi khùi, án-ni lí kiám thiaⁿ ũ?” Chit ê hū-jîn-lâng hōe-tap kóng, “Góa chai-iaⁿ.”

Tng teh chiò liap-iaⁿ ê sī, i-seng chiū kóng, “A-sáng! Suh-khùi!” Chit ê sī-chūn tiòh thiaⁿ hit ê hū-jîn-lâng chin tōa siaⁿ kóng, “Chhun, Hā, Chhiu, Tang.”

M̄ chai sī i-seng ê Tâi-gí bô phiau-chún, á-sī A-sáng ê hīⁿ-khang ũ būn-tê, kèng-jiân kā “suh-khùi” thiaⁿ kóng chòe “sù-kùi”.

Gán-chêng ê sī-kong

Ông Siok-tin êk

Ū chit ũi sìn Pút chin khiân-sêng ê lâu-su, tiāⁿ-tiāⁿ tī siōng-khò ê sī-chūn kà hák-seng Pút-hoat .

Ū chit jít, i ēng pò^a tiám-cheng ê sī-kan kā gín-á kóng tē-gák sī gōa-nih-á khióng-pò; jiân-āu i mng gín-á kóng, “ Ū sīm-mih lāng siūⁿ beh lòh tē-gák? Chhiáⁿ giáh-chhiú.” Bô pò^a ê gín-á giáh-chhiú, lâu-su kám-kak chin an-ùi.

Sòa--lòh--khi, i koh ēng pò^a tiám-cheng ê sī-kan kā gín-á kóng kék-lòk sè-kài sī gōa-nih-á hó, kóng liáu i koh mng gín-á, “ Ū sīm-mih lāng siūⁿ beh khi kék-lòk sè-kài? Chhiáⁿ giáh-chhiú.” Tāi pō-hūn ê gín-á lóng giáh-chhiú--ah, chí ũ piah-kak--nih chit ê gín-á bô giáh-chhiú, bīn iu-iu. Lāu-su kā i kiò--khi--lâi, mng i kóng, “Sī án-chóaⁿ lí bô siūⁿ beh khi tē-gák iā bô siūⁿ beh khi kék-lòk-sè-kài neh?”

Gín-á ìn kóng, “Góan ma-ma kóng, pàng-òh liáu-āu sīm-mih só-chāi mā bē sái khi, ài kín tng lâi chhù--nih.”

Chit ê chhiò-ōe tiòh sī kóng, gán-chêng ê sī-kong chiaⁿ sī siōng sit-chāi..ê, beh khi tē-gák á-sī thian-tông lóng ài tui gán-chêng khai-sí.

Gán-chêng ê sī-kong nā sī hoaⁿ-hí, ũ ài-sim, koh jîn-chin phah-piàⁿ, kam-kak jîn-seng it-phiàn kong-bêng, chiū sī tī thian-tông. Gán-chêng ê sī-kong nā sī chin thòng-khó chí ũ su-sim, òan-tò, siū-hūn kap tui-lòh, kám-kak jîn-seng it-phiàn ơ-àm, tiòh sī tī tē-gák--ah.